



Blue Blocks Project

ta un bunita iniciativa di un grupo di hoben cu kier conscientisa comunidad pa cuida nos beachnan y naturalesa

BLUE Blocks Project ta un idea di Patrick Beke y su amigonan Cado de Lannoy y Ashlin Ahlip cu a nace dor di wak hendenan pasa cu jeep y quadracer den e duinen y haciendo daño na esaki. Pa yuda proteha e beachnan, nan a pensa den pone blokinan, cu ta un algo cu por wanta miho contra saltpeter y otro elementonan. Nan a acumula blokinan cu nan a haya den mondi y di hendenan cu no tabatin uzo pa nan mas, y despues verf nan. Bula Surf Shop a sponsor e materialnan pa e hobennan aki por a haci nan meta posibel.

E lugarnan cu tin e blokinan aki actualmente ta e. o. West-Punt, Duinen,

Boca Druif, Wariruri, Boca Bayena, Andicuri, Shark Bay, Boca Keto, Dos Playa, Grapefield, Boca Grandi y Alto Vista. E blokinan a wordo pinta di color blauw bibo y geel, y e mensahenan skirbi riba nan sigur ta resalta pa purba conscientisa comunidad pa cuida nos beachnan. Sr. Brete a bisa cu nan ta planiando un segundo fase di nan proyecto, pero nan kier crea un espacio pa comunidad wordo conscientisa prome rib'e situacion.

El a finalisa bisando cu e beachnan, y naturalesa en general, ta di nos y si tur hende contribui na esaki, nos tur por sigui disfruta di nos bunitesa.